



23. november 2021

Inatsisartut ingerlatsinermut maleruagassaasa § 37 imm. 1 tunngavigalugu Naalakkersuisunut ukuningga apeqquteqaateqarpunga:

Naalakkersuisunut apeqquteqaatit:

- 1. Nukittoq eqqaani Niobium-imik pilersaarut uranimut inerteqqutip aaliangerneqaqqammersup kingunerisaanik matuvoq. Tassunga pingaarnertut Naalakkersuisut qanoq oqaasissaqarpat?**
 - a. Uranip inerteqqutigineqarnerata aningaasaleerusuttunut kinguneqartussaanginneraanertik Naalakkersuisut aaliangiusimavaat?**

(Inatsisartunut ilaasortaq Jens-Frederik Nielsen, Demokraatit)

Tunngavilersuut

Inatsisartuni amerlanerussuteqaqqalaartut Naalakkersuisut innersuussineratigut aaliangerput uranimik piianeq inerteqqutigineqassasoq maannalu Naalakkersuit aatsitassanut akeqqersorlutik politikkeqarnerat nunatsinnut kingunerlulereerpoq.

Tassami Hudson Resources Nukittuup eqqaani niobium-imik pilersaarut unitsinniarlugu aaliangersimapput. Taama nalunaarpoq Jim Cambon, Hudson Ressource pisortaa Sermitsiami 19. november saqqummersumi.

Taamatullu Jim Cambon aviisimi tassani ernummatigalugu oqarpoq, Kalaallit Nunaannut aningaasalerusuttunik pissarsinissaq ajornarnerulissasoq. Ima issuarneqarpoq:

”Piginneqatigiinnik aningaasaleerusuttunillu nutaanit amerlasuunit saaffigineqarpunga, inatsisip nutaap kingunerisaanik Kalaallit Nunaanni politikikkut nalorninartoqarmat aningaasaliinissamut ernumassuteqartunik.”

Taamaattumik maanngangaaq paasereerparput, amerlanerussuteqartut aaliangernerat akisunaassallutigu. Aningaasat, soorlu inuunerissaarnerup annertusineranut imaluunniit akileraarutit aamma/imaluunniit akitsuutit appartinnerinut atorsinnaasaraluagut.

Apeqquteqaatima ullut suliffiusup qulit iluanni akineqarnissaat kissaatigaara.